

覺世真經注解

道光癸未

覺世真經注解

江苏工业学院图书馆
藏书章

樂與善齋敬鐫

覺世真經註解序

夫鹿趨鳥集之感雷輪電策之奇智者信之
愚者惑焉訾讟其口佞也特拔其心刻也雖
生若潛寐千載永不寤何其迷不知返也覺
世真經一篇上窮滄陽成陰下瞰蝸飛蠕動
中徹左音右味仰喬俯梓與人善言四通八
達奉之者鉛察可好固宜業不息版矣惟是
流觀縱多探索絕甚載鼃以車馬樂鸚以鐘

鼓適適然驚可嗤孰甚蒙欲勉竭十舍註緝
成書恐囿於暖姝私說未敢操管者行復數
年今以牽絲上京獲覩是編句梳字櫛無義
不搜以之砭愚訂頑譬猶泛寶筏於大海贈
元禾於窮廬矣辭飽義醒欣不容已爰用成
版廣為墨刷并弁數語以見走之不材猶瞠
目於溪盜不苛何況世之君子可不歲賢愈
昨乎

道光六年三月東莞盧二秩謹序



關聖帝君覺世真經

敬天地禮神明奉祖先孝雙親守王法重
師尊愛兄弟信友朋睦宗族和鄉鄰別夫
婦教子孫時行方便廣積陰功救難濟急
恤孤憐貧創修廟宇印造經文捨藥施茶
戒殺放生造橋脩路矜寡拔困重粟惜福
排難解紛捐貲成美垂訓教人免讐解釋

斗秤公平親近有德遠避凶人隱惡揚善
利物救民回心向道改過自新滿腔仁慈
惡念不存一切善事信心奉行人雖不見
神已早聞加福增壽添子益孫災消病減
禍患不侵人物咸寧吉星照臨若存惡心
不行善事淫人妻女破人婚姻壞人名節
妒人技能謀人財產唆人爭訟損人利己

肥家潤身恨天怨地罵雨呵風謗聖毀賢
滅像欺神宰殺牛犬穢溺字紙恃勢辱善
倚富壓貧離人骨肉間人弟兄不信正道
姦盜邪淫好尚奢詐不重儉勤輕棄五穀
不報有恩瞞心昧已大斗小秤假立邪教
引誘愚人託說昇天斂物行淫明瞞暗騙
橫言曲語白口咒詛背地謀害不存天理

不順人心不信報應引人作惡不修片善
行諸惡事官詞口舌水火盜賊惡毒瘟疫
生敗產蠢殺身亡家男盜女淫近報在身
遠報子孫神明鑒察毫髮不紊善惡兩途
禍福攸分行善福報作惡禍臨我作斯語
願人奉行言雖淺近大益身心戲侮吾言
斬首分形有能持誦消凶聚慶求子得子

求壽得壽富貴功名皆能有成凡有所祈
如意而獲萬禍雪消千祥雲集諸如此福
惟善可致吾本無私惟佑善人衆善奉行
毋怠厥志

道光癸未春三月吳縣弟子周籤齡謹書

關聖帝君覺世真經

覺寤也。曉也。覺世云者。所以曉諭世人。俾知覺悟也。

聖帝垂憫世人。入於迷罔。因降是經。以訓於世。欲使斯世

斯民。惺然各覺。如夢醒黃梁。如迷登覺岸。有以存善

去惡。務正除邪。故立言淺近。使人易知。反復丁寧。唯

善是勸。惓惓懇懇。深切著明。讀者所當信受奉行。毋

聖帝怠厥志。各獲身心之益。共趨向善之途。以期無負垂

訓云爾。

敬天地

人受天地之中以生。乾為大父。坤為大母。覆載恩深。煦育德至。所當敬畏一心。毋敢褻慢者也。

聖帝首以立訓。所以啓發人之本心。使戴高履厚之儔。共知人所托以生生者。皆承天地之大德。能存敬畏。則作善有基。而下文諸條悉由此立矣。

禮神明

神明體物不遺。其德至盛。詩云。神之格思。不可度思。

矧可斁思。故屋漏且明之地。手目指示之嚴。無時無

刻。不在神明昭鑒之中。禮之者。所以凜對越之忱。而

矢潔齊之敬也。必能暗室不欺。袞影無愧。然後可以禮神明。而受其福。若徒諂瀆爲禮。媚禱爲事。雖與侮聖慢神者有別。而於禮之一字。終未能盡也。

奉祖先

祖宗蔭庇子孫受之。祖宗福澤子孫享之。大則創功建業。小亦世澤綿延。蓋有開必先。人無不本。祖功宗德而立者。本支百世。木本水源。可弗時思。敬奉乎。歲時祭祀。所以奉孝思。繼志述事。所以奉德業。人知敬奉祖先。則追念本來。植基勿壞。自得悠久無疆之慶。

曾子曰。慎終追遠。民德歸厚矣。

孝雙親

孝字是人生第一件事。舍此便失善根。夫父母之恩。同於天地。自孩提以至少長。顧復鞠育。飲食教誨。無時無刻。不殷雙親之念。爲人子者。當知人事時。必宜竭力孝敬。定省晨昏。服勞奉養。一一盡之於心。而行之於事。知父母之年。則日可愛也。諭父母於義。則志可成也。遵父母之訓。則道不可改也。有終身之慕。無一事之違。庶盡孝於萬一乎。孝經云。身體髮膚。受之

父母不敢毀傷。孝之始也。立身行道，揚名於後世，以顯父母，孝之終也。夫孝始於事親，中於事君，終於立身。又曰：五刑之屬三千，而罪莫大於不孝。蓋養生送死，王道之原，地義天經，人生之本。自天子以至庶人，必以孝爲先也。

守王法

一王之大法，萬世之典刑，所以道齊天下者也。爲臣知守，則忠於所事；爲民知守，則安於其常。孟子曰：守孰爲大？守身爲大，知守身，則王法在內矣。夫王法雖

以治民而守之則自在官者始蓋必大臣法而後小
臣廉也。上不能守則無以治下。下不知守則敢於犯
上。上下交替何以爲政哉。經以守法列於孝親之次
殆所以訓忠也。夫法隨人立亦隨人守各有等差。當
自擇取。彼君子之懷刑與小人之犯義亦各從其類
耳。子曰在上不驕高而不危所以長守貴也。制節謹
度滿而不溢所以長守富也。

重師尊

師道尊嚴爲子弟之矜式。延師者以禮周情洽爲先。

爲師者以矜莊持已爲上。重師則子弟凜承教訓。受益必多。師尊則同堂啓迪。盡心罔懈。其或蔑視先生。倍畔師訓。不能盡弟子之儀。必不能有成人之望矣。蓋重師而師道嚴。尊師而師道立。知所以重。然後知所以學也。况父生師教。其德至深。受業之師。植終身之才德。恩遇之師。遂畢世之功名。以至百工技藝。各有師承。釋道儒流。咸由師受。無人不可有師。無人不當重。然重之者。不僅於目前。又當歷久不渝也。太學之禮。雖詔天子無北面。其重師可見矣。

愛兄弟

共父同胞。連枝同氣。至親至近者。莫如兄弟。則宜敬
宜愛者。亦莫如兄弟矣。愛字是從心性中流出。非如
嗜物之愛。可以從吾所好也。念兄弟爲父母之同體。
則愛之在雙親矣。思兄弟如手足之難離。則愛之在
一身矣。况四海之人。皆如兄弟。豈有骨肉可薄待者
乎。田氏紫荊。姜家大被。古人之愛兄弟。而留令名者。
指不勝屈。是宜效法者也。彼閭牆致釁者。揆其故。無
非因小失大。見利忘義而起。其始不知自返。其既遂